

Općinsko takmičenje projekata „Građanin“

Članovi sekcije Civitas, 08.04.2017. godine, učestvovali su u općinskom takmičenju projekata „Građanin“. Prezentacija projekata održala se u prostorijama Srednje mašinske tehničke škole Sarajevo.

Svi učesnici ovog projekta prezentirali su svoje radove koji govore o problemima za koje smatraju da trenutno najviše sputavaju napredak razvoja našeg društva.

Naša škola predstavila se temom *Nasilje u društvu*. Sam odabir teme izazvao je mnoge pozitivne komentare. Prema riječima profesora iz drugih škola, mladi ljudi, razrađujući ovu temu, postaju svjesni u kakvom društvu zapravo žive. Učešćem u ovom takmičenju, sa navedenom temom, naša škola dobija status škole koja tretira bitne teme koje se odnose na konkretne probleme društva u cjelosti.

Nadamo se da će se kontinuitet uključivanja učenika naše škole u probleme društva u kojem živimo nastaviti i u narednim godinama, i da će naša škola po tome biti prepoznatljiva, te da će opravdati status škole koja nastoji učestvovati u rješavanju bitnih problema u društvu.

Lejla Fijuljanin III_b